

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona”, broj: 7/10 i 3/23) na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 118. sjednici, održanoj 18.02.2026. godine, d o n o s i

O D L U K U

o utvrđivanju smjernica upisne politike na Univerzitetu u Zenici, politike stipendiranja i politike smještaja studenata u studentske centre

Član 1.

(Principi upisne politike)

Principi upisne politike na Univerzitetu u Zenici:

- a) Usklađenost upisne politike sa potrebama tržišta rada i društva,
- b) Informiranost budućih studenata prilikom izbora fakulteta o stanju na tržištu rada i mogućnostima zapošljavanja nakon sticanja diplome,
- c) Stimulisanje svršenih srednjoškolaca da se obrazuju za deficitarna zanimanja,
- d) Povećanje broja studenata na fakultetima tehničkih nauka,
- e) Povećanje omjera studenata drugog ciklusa studija u odnosu na prvi ciklus studija,
- f) Stimulisanje pripadnika romske nacionalnosti, svršenih srednjoškolaca, da nastave školovanje,
- g) Stimulisanje osoba s invaliditetom da se uključe u visokoškolsko obrazovanje,
- h) Stimulisanje osoba bez roditeljskog staranja koje su šticeci ustanova za smještaj djece bez roditeljskog staranja u Zeničko-dobojskom kantonu da nastave školovanje,
- i) Stimulisanje osoba čiji su roditelji/staratelji korisnici socijalne pomoći,
- j) Stvaranje prostornih uslova za povećanje broja upisanih studenata na Univerzitet u Zenici i povećanje kvaliteta nastave postojećeg broja upisanih studenata,
- k) Stvaranje kadrovskih uslova za povećanje broja upisanih studenata na Univerzitet u Zenici,
- l) Korištenje kapaciteta privrede Zeničko-dobojskog kantona za praktičnu nastavu na Univerzitetu u Zenici.

Član 2.

(Elementi upisne politike)

Elementi upisne politike na Univerzitetu u Zenici za akademsku 2026/2027. godinu:

- a) Povećan omjer, u ukupnom broju planiranih studenata za upis, redovnih samofinansira-jućih i vanrednih studenata u odnosu na redovne studente koje finansira Osnivač, osim zanimanja tehničkih nauka,
- b) Pravo pripadnika romske nacionalnosti na bezuslovan upis u statusu redovnog studenta – finansira Osnivač (izvan ukupne kvote utvrđene Planom upisa),
- c) Pravo osoba s invaliditetom, preko 70%, na upis u statusu redovnog studenta – finansira Osnivač (izvan ukupne kvote utvrđene Planom upisa),
- d) Prednost pri upisu pod jednakim uslovima redovnih studenata u skladu sa članom 22. Zakona o dopunskim pravima branilaca i članova njihovih porodica Zeničko-dobojskog kantona („Službene novine Zeničko-dobojskog kantona“, broj: 15/24),

- e) Pravo osoba bez roditeljskog staranja, a koje su štíćenici ustanova za smještaj djece bez roditeljskog staranja u Zeničko-dobojskom kantonu na upis u statusu redovnog studenta – finansira Osnivač (izvan ukupne kvote utvrđene Planom upisa),
- f) Pravo osoba čiji su roditelji/staratelji korisnici socijalne pomoći a koji imaju prebivalište na području Zeničko-dobojskog kantona, na upis u statusu redovnog studenta – finansira Osnivač (izvan ukupne kvote utvrđene Planom upisa).

Član 3. **(Elementi politike stipendiranja)**

Elementi politike stipendiranja redovnih studenata prvog i drugog ciklusa studija s prebivalištem na području Zeničko-dobojskog kantona za akademsku 2026/2027. godinu:

- a) Stimulisanje za studiranje osoba iz sljedećih kategorija:
 - 1) osoba s invaliditetom,
 - 2) osoba slabijeg materijalnog stanja,
 - 3) osoba bez oba roditelja,
 - 4) osoba štíćenika ustanove bez roditeljskog staranja,
 - 5) osoba čiji su roditelji/staratelji korisnici socijalne pomoći,
 - 6) osoba pripadnika romske nacionalnosti.
- b) Stimulisanje studenata za studiranje za deficitarna zanimanja putem dodjele novčane nagrade.

Član 4. **(Elementi politike smještaja studenata u studentske centre)**

Elementi politike smještaja studenata sa prebivalištem na području Zeničko - dobojskog kantona u studentske centre u Federaciji Bosne i Hercegovine za akademsku 2026/2027. godinu:

- a) Kontinuirani rad na stvaranju uslova za poboljšavanje studentskog standarda,
- b) Kontinuirani rad na stvaranju uslova za raspodjelu sredstava studentskim centrima za što veći broj studenata sa područja Zeničko-dobojskog kantona koji su korisnici usluga (smještaja i ishrane) u studentskim centrima na području Federacije Bosne i Hercegovine,
- c) Kontinuirani rad na omogućavanju smještaja u studentske centre studenata iz sljedećih kategorija:
 - 1) osoba s invaliditetom,
 - 2) osoba slabijeg materijalnog stanja,
 - 3) osoba bez oba roditelja,
 - 4) osoba štíćenika ustanove bez roditeljskog staranja,
 - 5) osoba čiji su roditelji/staratelji korisnici socijalne pomoći,
 - 6) osoba pripadnika romske nacionalnosti.
- d) Pravo prvenstva pod jednakim uslovima pri smještaju u studentski dom na području Zeničko-dobojskog kantona, u skladu sa članom 22. Zakona o dopunskim pravima branilaca i članova njihovih porodica Zeničko-dobojskog kantona.

Član 5.
(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i JU Univerzitet u Zenici, svako u okviru svojih nadležnosti.

Član 6.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-34-3003/26
Datum, 18.02.2026. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za obrazovanje, nauku, kulturu i sport,
1x JU Univerzitet u Zenici, Rektorat, Fakultetska 3, putem Ministarstva,
1x „Službene novine Zeničko-dobojskog kantona“,
1x a/a.